

*ՀՀ տարածքային կառավարման և ենթակառուցվածքների
նախարար Գ. Սանոսյանին
Տեղական ինքնակառավարման քաղաքականության
վարչության պետ Աշոտ Գիլոյանից*

Հաշվետվություն

Ս.թ. մայիսի 28-ից հունիսի 1-ը Շվեդիայի Թագավորություն
գործուղման մասին

Ս.թ. մայիսի 28-ից հունիսի 1-ը «Աջակցություն Հայաստանում
ապակենտրոնացմանն ու տեղական ինքնակառավարման բարեփոխումներին»
խորագրով ծրագրի շրջանակում մասնակցել եմ Շվեդիայի Թագավորության
Ստոկհոլմ քաղաքում կայացած ճանաչողական-աշխատանքային այցին:

Ընդհանուր առմամբ ճանաչողական-աշխատանքային այցի նպատակն էր
նպաստել հետևյալ թեմաների շուրջ տեղեկացված լինելուն, փոխըմբռնմանը և
արդունավետ քննարկումների ծավալմանը.

- Գործնականում ապակենտրոնացման առանցքային սկզբունքների
վերաբերյալ փոխըմբռնման բաժրացում, ուշադրության սևեռում քաղաքական,
ադմինիստրատիվ և ֆիսկալ ապակենտրոնացման համակարգի վրա՝
կենտրոնանալով մասնավորապես կառավարման տարբեր օղակների միջև և դրանց
ներսում լիազորությունների բաշխման վրա,

- Շվեդիայի տեղական ինքնակառավարման դերը և տեղը հանրային
կառավարման և ծառայությունների մատուցման ընդհանուր համակարգում,
մասնավորապես ապակենտրոնացման ենթակա ոլորտներում՝ հատուկ
ուշադրություն դարձնելով կրթության ոլորտին,

- Ապակենտրոնացման, դրա հիմնական առավելությունների, ինչպես նաև
գործնականում Տեղական ինքնակառավարման եվրոպական խարտիայի
սկզբունքների շուրջ անհրաժեշտ երկխոսության կարևորության մասին
տեղեկացվածության բարձրացում: Ինչպիսի՞ն կարող են լինել ապակենտրոնացման
բարեփոխման շուրջ հստակ տեսլականը և առավել հետևողական ռազմավարական
ղեկավարումը,

- Բազմամակարդակ ապակենտրոնացված կառավարման համակարգում, ներառյալ կենտրոնական կառավարման մարմիններում և ճյուղային նախարարություններում, արդյունավետ ընդլայնված հորիզոնական համագործակցության մասին ավելի լավ փոխըմբռնման և հստակ տեսլականի ձևավորում,

- Վստահություն, հաշվետվողականություն և վերահսկում կառավարման համակարգի տարբեղ մակարդակների միջև և դրանց ներքում,

- Տիսկալ ապակենտրոնացումը, ներառյալ եկամուտներից մասհանումները (բացատրելով եկամտային հարկից մասհանումների մեխանիզմը) և համահարթեցման համակարգը, ուժեղ ֆիսկալ բազա և տնօրինվող եկամուտներ ունենալու դեպքում համայնքների առավելությունները հատկապես տնտեսական զարգացման տեսանկյունից,

- Ապակենտրոնացման ենթակա ոլորտներում փաստահեն քաղաքականության մշակում և պլանավորում,

- Տեղական ինքնակառավարման համակարգում գենդերային հավասարության դերը և դրա մասին իրազեկվածությունը:

Այցի շրջանակներում մայիսի 29-ին ՀՀ տարածքային կառավարման և ենթակառուցվածքների նախարարության և ՍԱԼԱԲ Ինթերնեշնլի միջև կնքվել է փոխըմբռնման հուշագիր, որը մինչ այդ անցել էր ներպետական ընթացակարգերը:

Մայիսի 30-ին տեղի են ունեցել հանդիպում Շվեդիայում Հայաստանի պատվավոր դեսպան Ա. Արզումանյանի հետ, այց Շվեդիայի խորհրդարան, հանդիպում Շվեդ-Հայկական բարեկամության խորհրդարանական խմբի ղեկավարի հետ, այց Նոբելյան մրցանակի թանգարան, մայիսի 31-ին՝ հանդիպում Ուպպլանդս Վասթի համայնքապետարանում և համայնքային ենթակայության դպրոցում:

Այցի ընթացքում եղել են ապակենտրոնացման թեմայով խմբային քննարկումներ:

Տեղական ինքնակառավարման

քաղաքականության վարչության պետ

Ա. Գիլոյան

05.06.2023թ.